

INUIT ATAQATIGIIT

Inatsisartuni



9. juni 2022

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqutit:

- 1. Nunatsinni sinerissamiik kalaaliminernik imminut pilersornermi siammarterinissaq siunertaralugu ukiumi aasamilu immakkut silaannakkullu assartuussineq qanoq ittut pilersinneqarsinnaava.**
- 2. Ilanngullugu kalaaliminernik Ittoqqortoormiiniik Danmarkikkoortunik Islandikkoortunillu nassiussineq kitaanut periarfissaqarpa.**
- 3. Kalaaliminernik katersuiviusinnaasunik sinerissamullu siammarterisinnaasunik, pisariaqarpallu Inuussutissalerinermut inatsimmut naapertuutikannersumik imaluunnit pileriaatsitinnik allangortiterinngitsumik illersorneqartumik sinerissami pilersitsisoqarsinnaava, sumiiffiilu sorliit piukkunnarsinnaappat.**

(Hans Aronsen, Inuit Ataqatigiit)

Tungavilersuut:

Piniartuuneq kulturitta ingerlanarni naleqartinnerpaallugu suli inuuvugut. Piniartuunermillu tungaveqartut ilaat soorlu nerisagut sinerissami assigiinngitsunik pileriaaseqarnitta neriinnariangortakkagut (mamarisatsinnik pitsaasumik tipittunngorlugit qanganitsertillugit suliat), sineriassuatsinnilu isorartuumi soorlu arfernit puisinit tuttunit umimmannit nikkut, aalisakkanit

panertut, timmissat, orsut mattaat, kanissut nataarnallu allarpassuillu ulluinnarsiutingalugit pingaartorsiornitsinniluunniit inuulluutigisarpagut.

Tamakkuninngalu atuisut amerliartorput, avataaniik nunatsinnut tikittut ataasiakkaajujunnaartut qujanaqisumik piniartunit aalisartunillu atuineruleriartorput.

Sineriassuarput tunumiik kitaanut isorartooruaq assartuussinikkut ullumikkumut eqarnarikulussimasarput pitsanngorsartuangassarpulli periarfissarsiutuangassaringatsigu. Sineriammik angalaniartarnerput ilaatigut ajornartorsiordfigigaatsiarparput- ullumikkullu Ittoqqortoormiuniik amerlasuutigut Danmarkikkut Islandikullu ingerlaartarpugut, kulturetinnilu ilitsoqqussatsinnik nerisarnitsinni nunat eqqaasakka naalakkersuinikkut arlaatigut suleqatigineqartariaqarsoraakka.

Imminullu kalaaliminernik pilersornerulissagutta sineriarujussuatsinni angisoorsuunngikkaluanik pitsaasunillu toqqorsiveqarluartugut isumaqarpunga. Sineriatsinni ukiup qanorilera apeqqutaalluni piniakkat assigiinngisitaartut takkuttuartartut eqqarsaatigisariaqarsoraakka.

Soorlu Kangaatsiap qanitaani Attumi ukioq kaajallallugu piniakkanik assigiinngisitaartunik nalliusimaarfigineqarluartartoq, tikaangulliit, tuttu, qilalukkat, aarrit, mitit sinerissami ingerlaat allarpassuillu piniagassaajuartarput. Avanersuami appaliarsuit qilalukkat nannut aarrit appat natsiit aallarpassuillu, Ittoqqortoormiuni appaliarsuit appat nanut aarrit qilalukkat natsiit allarpassuillu qularnaarpaat kalaaliminernik katersuivinnik siammarteriviusinnaasunik pilersitsiffigineqarsinnaasut.

Ullut qaangiutsinnagit akineqarnissara piumasaraara.